

LYDIVS
LAPIS
INGENII, SPIRITVS,
AC MORVM GASPARIS
SCIOPPII,

AB

ALBERTO DE ALBERTIS,
E SOCIETATE JESV TRIDEN-
TINO, ET IN MEDIOLANENSI
COLLEGIO, SACRARVM LI-
TERARVM PROFESSORE
CONFORMATVS,

*Bibliotheca
Collegij Re-
gali. Salma-
tini Societa-
tis IESV.*



*ex dono
P. Petri
Hieronymi
de Cordoba.*

Permissu Superiorum.

MONACHII,
Formis LVCÆ STRAVBII,

ANNO M. DC. XLIX.

FERDINANDO III.

AVGVSTISSIMO IMPERATORI,

GERMANIÆ, HVNGA-
RIÆ, BOHEMIÆ, DALMATIÆ,
CROATIÆ, SCLAVONIÆ, &c.

REGI,

ARCHIDVCI AVSTRIÆ,

DVCI BVRGVNDIÆ, STIRIÆ, CA-
RINTIÆ, CARNIOLÆ, ET VVIR-
TENBERGÆ, &c.

COMITI TIROLIS.




VVM immortalia tua fa-
cinora, FERDINADE AV-
GVSTISSIME, animo, &
cogitatione percurro,
nihil ego cunctos mor-
tales in admirationem æquè rapere
animaduerto, quàm quòd Te potiùs,
quàm Tua, quicunque Nomen Tuum
laudibus ad Cælum efferre, cupiunt,
laudare necesse habent. Nimirum
plerique Principum, Regum, atque
Imperatorum, etsi gloriosis titulis in
Historiarum monumentis ambitiosè
circumsonant, potentiâque, opibus,
† z domi-

I
L A P I D I S L Y D I I
P A R S P R I M A.

Quoniam de Hæretico Grammatico, variaq; eius Hæresi multus mihi hoc in Lydio sermo futurus est, ne qua deinceps remora proferendus paulò post reseris injici queat, pauca hic mature hoc de scelere, scelestiq; hominibus generatim in hac primâ parte sunt perstringenda.

C A P. I.

Exploratae de Hæresi, atque Hæretico sumptiones.

I. ISPVTATIONEM de Hæresi, atque Hæreticis ex professo, hoc loco instituire, quum ea huic Lydio minimè necessaria sit, consilium mihi non est; sed potius, quæ à Theologis de huiusmodi materiâ probè iam sunt constituta, pro operis, quod aggredior, fulcimento carptim dumtaxat legere, Lectoriq; non tam probare, quàm ab alijs iam satis probata in mentem reuocare. Quo in argumento admodum videlicet, spinoso, minimeq; florido, vt vocabulis, Theologorum ore dudum iam vsurpatis ac tritis, sine Latinitatis fraude, vti mihi integrum sit, & iure meo postulo, & ipsa etiam Latinæ linguæ scita, vt alibi docui, & vltro largiuntur. Iam mora nulla est.

II. Ordior ab ipsâ Hæresis definitione, quam Alphonsus à Castro *lib. 1. de iustâ Heret punit. cap. 1. Azor par. 2. Instit lib. 8. cap 9 q 1. Sanchez lib 2. Decal. cap. 7. Becanus 2. 2. de fide cap. 14. q. 1. num. 2. Ferdinandus à Castro Palao Tom. 1. Tract. 4. Disp. 3.*

A. 7

to. 1.

¶ *In Mensuris Latinitatis cap. 26.*